




Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann C 13.07.2025 - 20.07.2025 - 15. domënia ia por l'ann

n. 33

Odei le proscimo

 Deut 30, 10–14 | Col 1, 15–20 | Lc 10, 25–37


Dal Vangele do San Lüca:

Te chël tēmp ²⁵orô n maester dla lege mëte Gejù ala proa. Al l'à damanè: Maester, cî mëssi pa fà por davagné la vita eterna? ²⁶Gejù ti à dit: Cî stal pa scrit tla lege? Cî lieste pa dailò? ²⁷Al à respognù: Te desses ti orëi bun al Signur, to Dî, cun döt le cör y döta l'anima, cun döta tûa forza y cun düc tü pinsiers, y a to proscim sciöche a té instës. ²⁸Gejù ti à dit: T'as respognü dërt. Fa aladô, y te viaras. ²⁹Le maester dla lege orô iustifiché súa domanda y ti à dit a Gejù: Y chë é pa mi proscim? ³⁰Sön chëra ti à Gejù respognü: N ël ê jü da Ierusalem jö Ièriho y é gnü pié dai ladruns. Ai l'à arobè fora y l'à dramè jö ia por tera; spo s'un ési jüs y l'à lascè dailò mez mort. ³¹Por caje él gnü n prou jö por le medemo tru; al l'à odü y é jü inant. ³²Ince n levit é rové söl post; al l'à odü y é jü inant. ³³Spo él gnü n ël dala Samaria, che ê söl iade. Canch'al l'à odü, àl albü compasciun impara, ³⁴ti é jü pomez, à juté öre y vin sön sües plaies y les à liades sö. Spo l'àl alzè sön so tier da ciaria l'à condüt te na ostaria y à fistidié por ël. ³⁵Le dé do àl trat fora dui denars, ti ai à dè al osti y à dit: Tôletun sura de ël y sce t'adores deplü spo t'al paii canch'i vëgni indô. ³⁶Cî mìneste pa: Cal de chisc trëi s'à pa dimostrè sciöche proscim de chël che é gnü pié dai leri? ³⁷Le maester dla lege à respognü: Chël che é stè misericordius impara. Dailò ti à Gejù dit: Spo va y fa ince tö insciö!



ANTIFONA

Tla iustizia ôi contemplè to müs y
me pascentè de tûa presënza,
canch'i me descedarà.

 Letöres dla 16. domënia ia por l'ann:
Gen 18, 1–10a | Col 1, 24–28 | Lc 10, 38–42

Edema liturgica dai 13.07. ai 20.07.2025

2025	Ora	Mëssa
15. domënia ia por l'ann 13.07.2025 <i>Heinrich II. y Cunigunda,</i> <i>Joel, Sara, Arno</i>	9:30 10:00	Corona S.Mëssa por la comunité <i>Siur Klaus</i> aniv. + Bepo Pedevilla + Tio Clara por fam. de Paul y Lucia Chizzali en onur de S.Ujöp Friënademetz y S. Padre Pio de rengraziamënt Benedisciuin dl tëmp
LÖNESC - 14.07.2025 <i>Camillus da Lellis, Ulrich,</i> <i>Roland</i>		<i>19.30 - S.M. a La Plí</i>
MERTESC - 15.07.2025 <i>Bonaventura, Bernhard</i>	7.30	S. Mëssa por vis y defunc de fam. Bernhard Ellecosta
MERCUI - 16.07.2025 <i>memoria de Santa Maria dal</i> <i>Carmel, Carmela, Carmen,</i> <i>Elvira</i>		<i>7.30 - S.Mëssa a Lungiarü</i>
JÖBIA - 17.07.2025 <i>Alejo, Charlotte, Hedwig</i>		<i>7.30 - S.Mëssa a Rina</i> <i>19.00 – S.Mëssa a San Martin</i>
VËNDRES - 18.07.2025 <i>Arnold, Friedrich</i>		<i>7.30 - S.Mëssa a Al Plan</i>
SABEDA - 19.07.2025		<i>18.30 – S.Mëssa prefestia a San Martin</i>
16. domënia ia por l'ann - 20.07.2025 <i>Margareta, Bernhard, Aaron</i>	9:30 10:00	Corona S.Mëssa por la comunité <i>Don Marco</i> + Celestina Frenner + Maria Clara- Biëi + Fortunata Rubatscher + Stefo Agreiter Benedisciuin dl tëmp



Informaziuns y terminns

Ciasa de Palsa Ojöp Frëinadamez: en domënia, ai 20 de messé, vëgnel tigní la Festa tradizionala da d'isté. Le de mët man dales 9.30 cun la Gran Mëssa dla comunité ciantada dal grup de mitans CorUsc da San Martin. Dedô saral n aperitif cun intratignimënt musical cina misdé. Döta la comunité, pici y gragn, é bel inviada da tó pert. Al n'es plajess da podëi ves salüde.

MUSIGA SAN MARTIN: En jöbia, ai 17 de messé, dales 21.00, él **concert dla musiga sön le paiun a San Martin**. I sëis düc dër bel inviá da gní a ascuté pro. I ves aspetun!

ISTITUT LADIN. La **mostra de fotografies dl paisc da San Martin** é daverta dai 11 ai 20 de messé dales 9.00 ales 12.00 y dales 15.00 ales 18.00. Gnide a ti ciaré!

Le **Museum Ladin** inviëia ala daurida dla terza ediziun de **ert tla tor 2025**, ulache al vëgn presenté chësc ann na mostra personala de **Elisa Rungger** dal titul "**Danterite**". La daurida é en jöbia, ai 17.07 dales 18:00 tl MusLa Ciastel de Tor. Cun aperitif y musiga dla DJ Odo Waants, entrada gratis. Cun chësta mostra röia Elisa Rungger (*1997) zoruch te so post de nasciüda, olache ara presënta süa ert te na mostra personala por le pröm iade. L'artista vëiga sües operes sciöche danterlercs: posé de perzeziun che ne definësc nia de definitiv, mo che mostra realtés en movimënt: monns d'imajes, olache i confins se desfantëia y i significac se sposta.

Le **Museum Ladin** inviëia al **laboratore creativ "Fá munts"** en mercui, ai 16.07, dales 16:30 ales 18:00 tl MusLa Ursus ladinicus a San Ciascian. Descoriun deboriada les munts dles Dolomites: Te na manira ludica y artistica vëgnel cherié cun papier scarzé y corusc n paesaje da munts infinitamënter bel. Le laboratore é por mituns y mitans da 4 a 8 agn. Le cost de partezipaziun é de € 5,00, max. 15 mitans/uns a laboratore. Periun de na prenotaziun por mail a prenotaziuns@museumladin.it o por telefon a 0474 524020.

Le dotur **Eduard Agreiter** é demez dai 14 ai 21 de messé y vëgn sostituí dala dotura Grete Mahlknecht 349 06 67 034. En lönesc, ai 21, él domisdé a Antermëia.

	15.07.2025	Maximilian - Toni
	20.07.2025	Julian – Niklas – Karol - Magdalena
	20.07.2025	Giovanna Rubatscher

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | o tel. 3803520465
www.unitepastorala.org | www.comun.sanmartindetor.bz.it



GEBETSMEINUNG DES PAPSTES FÜR

Juli

*I periun ch'i imparunse tres deplü
da desfarenzié, da chiri i trus dla
vita y da s'un desdí da ci che nes
despartesc da Gejú Crist y da so
vangele.*



Auf Abstand ist der Nächste eine
bloße Einbildung.

Sören Kierkegaard



Ein Tag ohne Gebet ist wie ein Himmel ohne Sonne, wie ein Garten ohne Blumen.

Papst Johannes XXIII.